



平園續稟卷第十六

周益文忠公集

啓親書附

回潭州朱元晦啓



推轂吳京開藩楚甸先聲久播美化即成惟朝廷急於用人而
 郡國艱於謀帥雖宸心加意乎簡擢顧物理有時而乘除積弊
 在前必得賢牧齊其政庸夫之後正須真儒變其風自昔所同
 厥今尤著共惟某官奮百世之下得六經之傳聰明天分之高
 道義躬行之至宜論唐虞於廣廈乃煩羊杜於征南坐使湖湘
 立成鄒魯某三年佞萬事摧顏賦陶令之歸幸諧素志推謙

侯之去可卜輿情已荷匿瑕更動削牘佩交承之厚德激愧感
之深悰

回隆興趙子固鞏啓

兩辭鄉部之麾自知非據一用皇華之使咸謂當仁事殊榮戟
之遙臨人喜湖山之自得恭惟某官行推多士才過萬夫治聲
久著於蜀門政術尤高於江右我思用趙振馬服之威名無以
易堯契高皇之善任已寓文謹之直即聯禁關之班俯眷衰
悰曲貽緘翰珠簾畫棟莫陪坐上之賓藤杖芒屨方受部中之
賜其為欣感未易名言

言部轉少傅致仕謝宰執啓

引年遂請已荷曲成贈秩示恩益彰洪施哀悰易感厚德難名
欽惟國家度越載籍粵從選調爰暨大僚皆於休致之時被以
陞遷之渥既昭邦典仍篤士風如某者初無一日之長幸際四
朝之盛涼涼踽踽常恐蹈於鄉原曖曖妹妹敢自安於私說宛
其老矣曷不歸哉人譏九棘之罷眉心慊四明之狂客奏章上
徹俞旨下頒冠挂虎門岸角中於東路車垂夏篆策徒步于
南岡永全麋鹿之生實出夔龍之造茲益恭遇某官股肱任重
甄治功高推冕旒優老之仁為簪笏抽身之勸是令朽邁不失

光榮勇退急流雖前修之或愧倒行暮日庶後悔之能逃銘佩
在中敷陳奚究

會回金陵張定叟尚書啓

加職西清擁麾東府寬顧優於南面懔威格於北方惟今秣陵
視昔洛宅眷懷先正開濟中興早歲鈞樞贊高廟定都之策
暮年藩翰宣壽皇復古之威成功豈在於他門濟美必繇於
賢嗣蕭湘運閔中之粟已振饑羸夷吾無江左之憂更觀勛業
事相之執咎刻以須某甫遂休官豈應為佞敬酬來况聊述輿
言晤語方遙傾依彌切

回洪帥單虞鄉侍郎啓

臨遣近臣保釐方面古之督府今乃潛藩德化俶敷顧憂頓釋
恭惟某官儒猷粹美政術通明論思早正於二卿豈弟備彰於
六郡西江勝槩聊寒雲雨之兼南省清班即曳星辰之履豈應
宅牧遂緩賜環某幸典農疇共棲宇蔭辱華棧之甚寵視朽質
以增慚欣感交懷喻言奚究

回隆興帥張伯子尚書啓

內聯禁直外領帥藩竊觀昂族名世之英嘗東阜陵登畿
之眷迨今選授抑有端由盖烜赫舊都潛邸節旄之故在今岩

堯新閣淳熙雲漢之昭垂而畀之宋則深矣共惟某官端方
令德博洽名儒家傳忠義之規世濟直清之美再登朝路信結
宸知惟糾繩司國論之是非惟封駁繫政幾之得失凡有志一
時之士皆假塗二堵之間望愈隆而人愈推身每進而寵每避
既儀八坐實迹四隣復婁控於封章竟斜飛於征鎮外有五長
雖上法於周官入為三公恐難稽於漢制某睽違久矣此賴在
茲設榻東湖豈君侯之有新迷津南浦歎病叟之無緣因酌誨
賜之慇懃不覺感悰之切怛

回蕭郎中親書

渝川螺水密聞鷄犬之聲樞筦莞鳳池憶送夔龍之集翳夙隆于
雅契盍肇講於嘉姻茲承親家國史大著郎中長令似監倉承
事業茂清脩稱玉筍神仙之裔而某長孫女十七娘性存柔順
知召南法度之循敢緣轂氣之同妄意琴瑟之好遠勤厚禮有
華用鴈之儀何幸哀宗將竊乘龍之喜不腆回弊具如別緘

與胡季解求親書

託契先公嘗遙禁林之宿依仁大族久陪鄉社之遊將為徵福
之圖輒致求婚之請伏承親家通判左藏第三小娘子婦儀夙
著有采蘋南澗之恭而某姪承事郎新監隆興府苗米倉某家

訓粗遵無垣腹東牀之傲飭行人而聽命資薄幣以馳誠劉范
世姻庶益堅於永好崔盧門戶尚何假於他求不腆之儀別絨
具載

回潭帥趙待制不迹啓 辛酉

東浙名藩疊書課最南荆鉅鎮申界帥連湘水波澄嶽山勢重
共惟某官世傳令德躬稟異材詞章賀白之儔譽望間平之亞
自結冕旒之眷獎徧更麾節之劇繁人云挾山超海之難公乃
破竹折枝之易諺門候對已優踐于禁塗省坐論思即冠班於
常伯某櫻疴衡宇引領高牙昔者分携已越一星之久今茲掩
惡尚煩五政之餘過勤盛禮之施殊愧前緘之簡其為欣感夫
易敷云

回豫章韓帥子及啓 壬戌

祥開鵲印命荷熊旂十國為連羣州承楷諒深懽慶恭惟某官
姿凝瑚璉之器家襲昂彝之勲漢內史之居官以經術潤飾吏
事周司徒之敷典篤世忠服勞王家垂踐中台力析外閭惟
徽皇定尉安之府肇自政和而忠獻登齋戒之壇適當皇祐方
上聖適追於前烈宜後賢復踵於先猷祭戟一臨軍民交賀相
尊等耳聊冠武階公袞歸弓即儀文陛某昔叨事契今齒部民

姓名未洗於丹書牋翰羞塵於玉帳詎期厚禮首及陳人南浦
飛雲目極滕王之閣東湖設榻夢遊孺子之亭欣愧兼深諭言
徒費

謝陳提刑謹生日詩啓壬戌

解九夏之齋自恣誤投於世網校中元之藉長生敢擬於仙曹
未瞻使者之繡衣先拜美人之錦段妙甚唐賢之律申之史堯
之言何臺治之倣臨為部民而加禮歌明月之章於赤壁諒因
歲日之俱同穆清風之誦於東方敬祝牡鸞之遄返其為感詠
交集襟棕

謝許監丞知新生日詩啓

與子同歲渠長一月壬戌

庾威雌甲辰敢攀壽雉公瑾小一月遠契吾宗過軫高情曲形
盛禮賦兩詩而寵甚及二丙以欣然憶元豐壬戌之明年有路
公丙午之盛集今幸密隣於几杖阻陪高會於笑談頌詠攸深
敷宣罔既綸與其子檢法皆丙子生來詩及二丙

謝權守鄭通判臨生日詩啓壬戌

解九夏之齋自恣誤投於世網校中元之藉長生敢擬於仙曹
荷邦君意重於岱嵩推家學文成於黼黻併勤饋遺疊致頌言
贈我金錯刀增光篋笥報之青玉案徒愧砭砭悚感交懷喻言

奚究

回陳正仲提刑賀冬啓壬戌

登望闕之臺黃雲徧覆按屬城之獄綠草羅生盛哉穰簡之祥
時乃平反之報共惟某官螭首良史虎觀鴻儒曼青繡衣時當
剛長晉卿愛日坐轉冬溫即遄四牡之歸丕應一陽之復憶去
歲茲辰之禮密近天顏詠明年此會之詩定陪郊祀方圖馳問
已辱摛辭感與頌并意非言盡

又謝生日詩啓癸亥

益州刺部固多中和宣布之歌魯泮獻囚繼有耆艾熾昌之頌

蓋仁愛素孚於郡國則歡謠交著於士夫敢期德性之好謙反
為部民而致禱寵之唐律薰以班香靈均初度之嘉走無是也
魏野中元之句公則過之在愧感以俱深豈叙陳之能既

謝吳運使時顯生日詩啓

答其用冠萊公文潞公事渠致仕而歸蓋已卯宣城所解

進士
癸亥

繼萊國而生已愧中元之句憶宣城之舊更驚四紀之年會華
節之遄歸摛雅詞而下屬雖洛陽耆德不稱擬倫然復道燕居
幸同休退願歌赤壁共揖清風在欣感以交懷非叙陳能既

復少傅謝諸府啓癸亥

疵瑕久積灼然復玷之難造化密庸倏若轉圜之易信極輪困之感孰窺塊北之垠伏念某資稟凡庸仕塵顯美居不思於特立動或蹈於妄行言路糾繩殆盈百謫宸衷涵覆止削一階未蓋前愆已仍舊貫茲蓋伏遇某官道高遂古勲在皇家心同稷契之忠時際唐虞之盛好善優於天下何區區樂克之強若已納之溝中每切切商衡之任助 聖明之篤舊開老退之圖新遂使里居獲刊罪籍班通九棘阻瞻槐位之尊身託一枝自幸林巢之穩其為佩荷罔既敷云

回衢州章茂獻侍郎賀復官啓 癸亥

桂冠久矣麗丹筆以猶新出綉餐然指青氈而復舊恩固繇於舜禹助亦假於嚴徐茲蓋伏遇某官念氣類之同篤鄉隣之好獻可替否每効論思之言嗟枯吹生更推獎與之惠致冒雲霄之澤免貽田野之羞方欲馳辭已勤貽問紆丈二之組望之將泣於左馮率三千之臣召伯行登于右相因酬嘉况併致忱言

賀陳正仲提刑除職啓 癸亥夏

策勲劇部加職清廂計前日之班資合徑參於義畫重公朝之名器猶假寵於文謨綸綉光華紳綏悅懌共惟某官學高游夏文儂淵雲當直上於禁塗尚斜飛於廉使吏民改觀欣康侯畫

接之蕃旒冕注懷佇宣室夜前之度某素叨眷誼倍極懼悚手
牘函馳衷誠莫寫

又回賀綸審察啓癸亥

子能仕而教之忠每慙古訓賢在上而引其類首辱衷言未嘗
學禮於孔庭乃許觀竒於漢閣此蓋某官昔聯中憲持論挺然
今領外臺揚清銳甚既嗟枯於屬吏亦借潤於陳人恐傷公舉
之明尚闕私書之謝先勤慶問倍激感悰尚惟高明有以矜亮
賀陳勉仲拜右相啓癸亥

庭揚大號國拜中台名世之生五百年時方際可太學之興一
甲子今乃得賢共惟某官德業兼隆詞章獨步伊尹樂堯舜之
道素蘊蓄於曾中韓愈視遷雄之才曷推尊於海內周旋二
府啓沃九重甄冶無心器方圓而各遂權衡有信物輕重以皆
平茲顛面以正朝益同心而輔政方且恢四維而厚士俗闢數
路以收人材稷契臯夔固將踵武蕭曹丙魏豈必希蹤二十四
考之方書前後數公之罕及其雖還初服尚託大鈞願借沃壤
之旺共樂熙臺之化其為欣幸罔罄敷陳

與楊廷秀閣學啓二十首

回甲寅賀冬啓

朝登度雪之臺黃雲入望閑頌遊帷之觀白日自長雖節令之
衆同在安榮而已獨共惟某官道符剛長性察物成詞章添繡
線之華聲譽振黃鐘之響時逢小至慶集大來某特辱摛詞更
勤致饋仲尼百榼醺酣無底之清德裕萬羊厭飫有期之產中
心積感多語奚殫

度雪臺在楊祕監園中遊帷觀即玉隆宮楊所領祠無底
清所送酒名

賀覃恩轉中大夫啓甲寅

聖主卜大橫之兆名卿夢中穗之禾汲黯嘗居是官以諫諍而
外補神宗九重此秩待疑丞之初除公比德以何慙上登庸
其可必屬抱疴之未愈款請間而不皇輒以懽悰寓之折簡尚
需召駟別展慶儀仰惟高明俯賜鑒察

回賀入新第啓甲寅

市近韶塵賴景公而更宅書兼草隸荷外監之屬辭矧茲逢戶
之居時乃棘闈之址當年附驥七十子之同升半世營巢三十
年而始有念衆雋迨今而無幾幸兩翁相望以非遙儻因黃堂
舍蓋公之時就為雪舟訪安道之計殺雞為黍當停荷蓀之
芸鳴鹿而歌共話楊侯之舉其如感幸罔既敷宣

回乙卯賀年啓

正次於王新天子一元之歲未加於卯外祕書三合之年方興
運之昂新宜真賢之泰內而况多文為富直道而行博古通今
重漢廷之經席危言讜論發晉殿之酒樽在故事以雖聞捨明
公其孰稱即頒銀信遂度玉墀微摯攸陳竊幸鄉風之舉盍簪
莫預遙思極馬之喧惟是勤拳莫容殫叙

回乙卯賀冬啓

景占圭表應一丈三尺於牽牛注就帛編推六日七分於大象
翁爾履新之慶萃於博古之儒恭惟某官溫厚足以破嚴凝剛
方足以祛邪枉聲名遠播符廣莫之雄風壽祉丕延同舒長之
化日當芸荔挺生之際是絲綸誕布之時遺失班北極之天方
膺異寵冢宰相圓壇之陞更祝後年某甫治書郵遽勤誨牘浥
盤中之金露醉德孔多籲天上之白羊屬餐何幸未酬盛禮姑
致感悰尚冀台慈俯垂鑒察

賀除待制啓丙辰

懇辭嚴召商賚殊褒旌東觀之儒先拜西清之閣老共惟某官
冰霜其操金玉厥躬貫日忠言規模稷卨凌雲藻思步驟莊騷
上自西宮下通四海莫不哀窮而悼屈謂宜捷出以橫翔雖越

冷熱撰而上征是名異數然歷大少蓬而次對誰可同條豈持
橐之無人獨起家為有耀詔札密封於泥紫服章光映於鞞紅
朝廷鄉黨三備達尊已壯吾邦之觀官職聲名俱歸詩客更追
乃祖之風某心馳賀履之成迹歎出門而礙念棘闈之宿契懷
栢悅之深情手牘所陳心聲莫寫

遠迎啓丙辰

恭惟騎氣將遂故闕父老懽迎吏民踴躍蓋一佛出世覩共快
於爭先豈二人同心馬宜奔而敢後正以衣冠之挂難干簪橐
之新在隱顯以差殊匪禮文之簡怠高明所照悃悞何逃仰冀

薰慈特加乎察

回丙辰賀年啓

曆紀火龍班高金馬齊耆英於溫洛信古來稀聯法從於甘泉
從今以始共惟某官道借時泰年與德升妙論餐花春頓生於
坐上仁風偃草冰潛泮於池中衆人望公如熙臺四時待公為
玉燭必也重高門之地豈其遣青笠之心某占詞未成飛翰何
速膠牙藍尾深思常侍之同新曆舊符竊起東坡之嘆其為感
詠莫既敷陳

回丙辰賀冬啓

南溪測景符周圭晝景之長東魯縱心測羲易天心之復當競
辰而考古宜受祉以及今共惟某官無心如迎送之雲觀化應
舒長之日名參禁路諒懷憶昨之班使總郊壇預卜來年之慶
神人所相福祿其綏某已屏冠裳莫賠簪履沐絨書之腆綉愧
禮度之愆忘欣頌文深指陳曷喻

回丁巳賀年啓

頌正朔以示庶邦甫窺堯曆即嘉平而數新歲已涉商正贊慶
宜先馳辭敢後共惟某官事隨時並德與年增漏水滴徐重繹
泰亨之象篆盤香永賸哦元會之詩柳條况洩於召音花塢難
牽於野興綵旗簇仗行趨濟濟之朝白獸發樽聳聽堯堯之論
某銳欲動東道之主深恐致北山之移徒紆頌詠之情莫寫依
歸之志

回丁巳賀冬啓

元后肇禋已受釐於宣室叢祠均逸盍扈駕於甘泉瞻南極之
景長慶西清之福備恭惟某官仁心夙著剛得時亨律回解谷
之陰人愛晉卿之日天時已至召節相催某 聽先聲將臨近
郭刺繡五紋之弱誰能開驗於女工風流二老之強但願叨陪
於賓燕其為欣頌罔究叙陳

田戊午賀年啓

彩勝金幡曾共漢朝之元會蒼顏白髮今齊絳老之疑年瞻室
邇而人遙殆形留而神往敢期筦記亟治書郵共惟某官德逐
歲新名隨日起春風和氣坐銷客子之塵心御柳宮花難狀詞
人之妙語佇傑深嚴之直參裁寬大之書某久矣游從茲焉間
闕郊閑相望莫陪真率於耆英酒醑前陳乃幸屬饗於盛德其
為感愧罔既敷陳

田己未賀年啓

一元歲之始漢頒寬大之書五福壽為先魯獻熾昌之頌當

國家之圖舊繫年德之加新恭惟某官膏雨蘇枯仁風解凍徑
三三而成趣詩逢花柳之春卦八八而終篇繇應乾坤之泰即
遄驛召遂押挺班某襄疾龍鍾絨書猶豫十漿先饋敢為列子
之驚六鷁退飛竊鄙於陵之顧其為欣荷罔究願言

餽歲小啓己未

芳歲將除椒觴載舉盍簪喧馬恨阻勝游對酒愛鶩首蒙厚禮
不腆牲餼往塵庖厨物雖微而誠在焉施已豐而報何有尚斲
容德未寘大何

賀致仕啓己未十一月

挂冠神虎錫馬康侯職在紫清榮陞四等秩參黃散優進一階
詔綉光華播紳歆艷共惟某官直方如伯起清約如公權準易
有執戟深湛之思為文無盈川輕薄之體具今古之全美震華
夷之盛名延登可期勇退何果風月三千首重繼翰林休閑二
十年定追洛社蓋意新者寧拘齒宿而德邵者常在年高優哉
游哉休矣美矣見故人而一笑時揮鶴禁之金通大道以三盃
日飲螺岡之酒某遊從最舊出處頗齊前進士同稱猶記曲江
之宴故將軍相過任從醉尉之呵願言俾壽之昌永作斯文之
重

賀己未冬啓

子月四時之首周得天正黃鍾六氣之元漢為律本惟昔重陽
剛之復茲今宜賢德之亨共惟某官道與時行福同晝永浩養
激葭灰之動文衡量圭景之長砌下芸生記蓬山之舊長隴頭
梅放北鼎實之終調戲藏陰壑之冰閑嚙晴牕之日甫也懷兩
院寄五更三點之篇牧之勉阿宜祝十紙一箱之讀某未作南
溪之泛先勤北海之尊數九九而哦詩自憐午瘦辦多多而有
酒驟覺冬肥欣感交懷敷陳罔既

賀庚申年啓

百二十日而為春喜重添於閏月億萬斯年而啓運慶五值於
初元阻陪後閣之賓遙致先盃之讓共惟某官氣調玉燭膏潤
青陽聿來嘒嘒之祺昏樂熙熙之衆柳催槐泛記絲光日彩於
東宮珮解簪抽想名踰風儀於西洛顧夙契時中之道盍起趨
泰內之朝亦惟舊人共政之圖歸趨新年太平之賀某居慙老
伴每辱先施出丙入丁幸附壽星之次乞漿得酒載欣申歲之
臨頌詠攸深指陳曷喻

賀郊恩進開國侯用子封通奉大夫啓 甲子

文帝席前爵錫通侯之貴魯公拜後階陞三品之崇曷惟國家
之榮何但鄉閭之慶某幽夏所萃贊喜弗先徒深羨慕於再三
姑述悃誠之萬一

又賀增秩晉爵啓

共審秩漢皐衣執周穀壁彰前旒之念舊煥疊組以俱新行下
蒲輪立登槐位某杜門襄疾賀厦邈綿敬布懽悰仰祈炳鑒

謝臨慰啓 甲子

內助云亡外姻未至首紆緹騎遐顧素帷既陳德人一束之芻
復枉子舍三株之樹屬纓纏於拙恙阻摧謝於高閣救民有喪
公不愧谷風之什刺人無禮走奚遜相鼠之譏姑俟痊平之時

自歸臯緩之罪謹令賤息先布忱言仰惟台慈頌賜澄察

謝賀生日狀

謝穎守

謝寄居通判

老逢初度彌追感於親庭誼篤隣居乃寵貽於樂府餐然新句

賁此衰蹤誦周雅之清風永懷何已歌楚人之白雪寡和固宜

老而不死方永慨於劬勞愛之欲生乃曲形於褒借穆清風而

作誦祈黃芻之維祺粲羣玉於西崑病眸空拭鏘大鑪於東序

平園續彙卷第十七

周益文忠公集五十七

狀

謝賀生日狀

謝穎守

老逢初度彌追感於親庭誼篤隣居乃寵貽於樂府餐然新句

賁此衰蹤誦周雅之清風永懷何已歌楚人之白雪寡和固宜

謝寄居通判

老而不死方永慨於劬勞愛之欲生乃曲形於褒借穆清風而

作誦祈黃芻之維祺粲羣玉於西崑病眸空拭鏘大鑪於東序

俗耳彌驚愧感交懷敷宣罔既

謝路鈴路分

生我劬勞方切蓼莪之感錫公純嘏過勤黃髮之祈高誼重於
丘山正聲諧於金石穆清風之誦固知鴻筆之有餘投明月之
珠所愧衰蹤之弗稱但深銘佩英究叙陳

謝憲司提幹檢法贛州路分將官教授五人共一詩

特紆厚意遠記賤生合六律以諧聲繁多儀而設醴自慙朽邁
曷稱吹噓惟傳存與獻之規且禮著往來之訓紅羅不腆聊資
碧線之抽綠綺甚華殊乏南金之報其為感荷罔既敷陳

謝邵英德之綱生日詩以沉香并英石為壽賦詩

分竒芬於海上已薰班氏之香列遠岫于窓間更詠謝公之句
有華二美來壽一夫惟愧感之交懷豈叙陳之能既

謝李賀州經生日詩癸亥

老矣無能豈初生之尚記粲然有接何舊好之彌隆形妙語於
篇章列多儀於香幣三復頌言之美載深悚感之懷

謝贛州齊簽判天覺生日詩

月宿南斗偶類韓公之生穆如清風過勤吉甫之作顧乘除之
有何視視碩好以多慙循正則之名方悲初度致敬恭之幣姑

藉未將感愧交懷敷宣罔既

謝贛州趙路分主管提幹檢法教授生日詩

竊以負之六射悵永感於頽齡作者七人辱聯成於傑句嘉果
餽羊而侑酒妙香庭燎以初年為禮既豐寄情良厚降非正則
方慙初度之名寶在恭欽聊假家將之幣其為悚荷罔既敷宣

謝鄭通判臨生日詩

靈均初度之名久茲求感魏野中元之句富矣嘉言正深饋鯉
之悲乃屈屠龍之筆海沂康矣盍歌別駕之功吉甫穆然反辱
清風之誦中弼積愧倒置多慙

謝黃經畧王南劔鄭通判徐提幹生日詩

揆嘉名於初度每感劬勞生上相於中元敢稀賢哲荷高情之
繾綣形善頌以慇懃歌明月之章已規藻思穆清風之誦更滌
烜襟欣感交懷敷陳奚既

謝狀

致仕謝守倅寄居

特動枉駕俯愛垂車椒掛衣冠阻趨祭戟其為愧感罔既敷宣

謝楊守門送上冢

竊以岳牧下車將禮神而夙駕州民上冢乃飛蓋於晨門佩謙

德之加隆激懦衷而增愧

謝趙守門送

歲時掃墓是為野老之常車騎塞塗乃屈邦君之重不皇拜辱
但劇懷慙

慶禮賜粟帛謝太守

特枉前驅敬宣 上賜昭 二聖交歡之慶示九重優老之恩

榮幸良深敷陳罔既

復少傅謝監田

某祗奉新綸寵還舊秩赦過宥罪仰目 聖君之仁嗟枯歎生

外由膚使之助緘書先暨感臆增深

益國夫人襄奉謝守倅

自頃悼亡迨茲送往疊勤芻奠仍製薤歌前驅遠出於郊闈厚
禮信光於阡陌永言感愴難盡敷云

遠迎狀

黃侍郎艾遠迎

茲承猷直禁嚴出臨征鎮接壤喜瞻於法從濟民諒偃於德風
屬此病衰阻於廷勞先勤告至信極馳情

趙守遠送

茲審九重臨遣千騎昂來屬得謝以里居阻爭先於郊勞其為
企詠難盡名言

孫侍郎逢吉遠迎

茲審榮剖竹符暫歸梓里屬緣老病不獲攀迎先辱惠音第深
懷感

監司遠迎

茲承使節行按屬城方卧朝冠阻于賓謂其為企詠徒劇襟悰
張憲行郡遠迎

茲審奉詔按刑揚帆及境既阻爭先之覩首勤告至之文愧感

良深喻言奚究

葉憲遠迎

茲審某官肅振使華按行封部屬養痾於私第阻納謁於公門
愧企兼懷敷宣罔既

葉憲改江東遠迎

茲審某官寵膺新節榮歷舊封雖快覩之未遑喜先聲之已至
其為欣企罔罄敷云

新贛州張舍人貴謨遠迎

茲審某官縈擁使旌經從隣壤雖不皇於迎謁

承先辱緘封信深感臆

湯倅疇任滿訪別

竊以邦國不空功成別駕驪駒在路歌動諸生坐深賀下之情
行聽留中之詔特勤營後信激感悰

胡侍郎紘經從訪別

瞻烏在岸禮已闕於將迎浴鳳于池勢方殊於隱顯三復水街
之辱載深芒背之慙

前廣州趙帥時逢遠迎

茲審力辭閩寄歸奉內祠屬以臥病阻於造謁先動惠翰倍切

感悰

林侍郎大中被召遠迎

茲承顯膺召節已及近郊屬以臥病阻於造謁其為瞻企未易
敷陳

胡侍郎紘遠迎壬戌秋

茲審報政番禺領祠廬阜望鳳姿而在邇想鷁首以馳情先辱
惠音倍深懷感

謝訪及狀

謝太守楊祕書方初到訪及丙辰

竊以祭戟初臨身驟棲於德宇衣冠已掛迹久掃於公門敢期
貴老之仁不責致恭之禮枉旌旗於嚴尹實慙杜甫之才置薤
水于漢陽空効任棠之意其為愧感罔既敷宣

太守初到任謝訪及

竊以簞壺填道俶褻刺史之帷轡蓋及門首訪野人之室荷
撫謙之有甚念往拜之無徒愧悚交懷敷宣罔既

賀禮上丙辰春

恭審寶龜獻兆銀菟分符條教一新士民胥悅屬櫻疴而掃軌
阻挾刺以登門欣頌攸深名言曷既

再謝訪及

茲承涓選剏辰肇開盛府自惟野老燕賀屢以末由誰謂邦君
鴈及門而至再深認執謙之德難逃失禮之譏感與愧并意非
言盡

楊守任滿訪及丙辰

初聞解組便合曳裾正慙旅力之愆反辱高軒之過其為感激
未易敷云

趙守除廣東憲訪及

茲承榮解舊麾光膺新節特勤寵顧倍激感悰

皇太子誕生謝守倅訪及

恭以元子挺生普天賴慶先勤寵顧倍激懽悰

俞漕訪及

茲承升華內閣易節外臺寄委益隆士民交慶特勤寵顧倍激

懽悰

趙守謝批考訪及

茲承已書上考行踐中臺阻慶黃堂特勤阜蓋其為欣感豈易
敷云

鄭倅權州謝雨訪及

竊以一雨隨車方遙甘澤雙旌枉駕更誦清風佩謙德之有加
激感悰而無斁

倅交印訪及

茲審涓辰洗印浹境均懽已挂冠朝阻趨公屏其為欣愧交集
懽悰

同前

茲審涓辰惟吉洗印云初坐阻造門首勤迂趾永言欣感交集
懽悰

倅交割訪及

茲承榮解印章寵臨蓬華感執謙之過厚愧脩慶之未由

同前

茲承二政成功四民交慶阻修漫刺特辱冰銜愧感交懷敷宣

罔既

路鈴交印訪及

茲承撰良洗印擁騎過門屬以抱痾阻以展慶其為欣感罔既

敷宣

同前交割訪及

茲承榮解印章言歸殿陛冰銜寵逮感臆良深

同前

茲承做解印章將趨環衛賁存斯厚欣感交懷

倅權郡訪及

茲審譽高半刺榮領左符坐阻造門首勤飛蓋其為欣愧交集

襟悰

同前

茲承就領郡章阻于賓贊特勤寵顧但極感悰

同前

茲承榮館州符益隆德政阻于賓謁但劇懽悰

同前

茲承已合左符尚分半刺特勤寵顧倍激懼悰

太守謝送生日訪及

竊以弧矢四方 缺生申之慶弓刀千騎坐勤訪戴之謙愧荷

交深名言奚既

同前

竊以神嵩生甫大昂儲蕭豈惟藩翰之良時乃邦家之慶阻奉
千齡之酒先勤七寶之茶更屈顧臨彌增感頌

丁守謝諸司薦訪及

茲審諸臺列薦總計明揚方遲召節之頒先枉使旌之過其為

欣感交集襟悰

趙守轉官訪及

茲承策勲螺浦增秩潁川未展慶儀先勤盛禮其欣感未易敷

云

趙守除利路憲訪及

茲承著龜習吉符節交輝阻慶賓筵第深慙志

趙守子過省月望訪及

茲承鯉庭得雋龍節增華適當既望之辰過沐先施之禮其為

欣感罔既敷宣

郊赦守倅訪及

吉土肇禋溥天賴慶首勤寵顧同激懼悰

丁守被召訪及

欣聞嚴召阻綴賀賓首辱顧存信深悚感

湯倅轉奉議即訪及

茲審議郎博士已陟朝班除書德音即裁帝制禮勤左顧感極
下懷

楊待制訪及

一掛朝衣久停賓謁杜門幽并垣短難於自踰擁騎光臨鞭長
有所不及信感眷存之意賸裝愧粟之懷

楊閣學訪及

茲審璇宮鳴玉榮超學士之班寶帶兼金寵厚儒臣之禮賀履
未容於亟往御風已辱於來游快覩爭先雖有披雲之幸殿犇
敢後寧無策馬之慙

贛守張舍人訪及

特屈隼旟阻瞻鷓首雖抱樂且有儀之喜實慙來而不往之非
其在感藏曷勝言喻

黃漕訪及

茲承榮持使節倣拜除書特枉芳銜阻干賓謁其為愧感未易
敷陳

黃經略得祠訪及

茲承穆卜辰良倣均祠逸禮勤左顧感劇中藏

彭常德轉官訪及

茲審奉十行之詔冠六品之階言念衰疲阻修慶謁先勤寵顧
第激懽悰

又轉朝議大夫訪及

茲承榮遷元士特枉芳銜屬以抱痾阻以造謁其為欣感未易
敷陳

又轉中散大夫回狀

茲審詔頒宸宸階正卿聯屬以臥痾阻於修慶特勤榮問倍激
懽悰

廣州胡侍郎絃訪及

曲荷台慈俯臨陋巷倒屣喜瞻於芝宇曳裾阻詣於蘭舟愧感
交懷敷宣罔既

旦望謝訪及

守倅正月望

竊以鶉火中星蠶膏泛粥牙旗穿市雖暫輟於遨頭御宴傳柑
行進倍于班首曲荷顧存之厚就伸頌詠之私

三月旦

竊以告朔惟時宜民介祉屬養痾於私室阻脩慶於公門頌詠
良深敷宣罔既

三月三日 是日初送新文

竊以月紀季春燧始鑄而首暨日逢上巳水未禊而先臨念賓
謁之無階宜感悰之有甚

四月旦

竊以節紀天祺氣迎夏令當公儀之豐講乃私禮之交脩其在
感藏若為輔叙

同前

竊以清和應候適當告朔之辰豈弟宜民丕受對時之祉末由
趨慶第切馳情

望日

竊以日臨甲子月滿望舒推豈弟以宜民對清和而介祉禮動
左顧感極中藏

五月旦

竊以日永公堂喜來登於農黍風薰廣殿期歸和於帝棊今慶
謂之無從辱顧存而有愧

同前

竊以日永慶霄律中蕤賓之朔風薰樂土福歸慈惠之師屬以
抱痾阻於修謁其為頌詠罔既敷陳

六月旦

竊以律應林鍾慶歸良牧屬緣老病阻造公門頌詠殊深敷宣

罔既

七月旦

新秋俶屆阻瞻召伯之棠舊好彌隆特枉魯侯之駕敬佩謙勤
之意交深感作之懷

八月旦

竊以蟾宮生魄熊軾停參屬此負茲阻於倒屣仰銜眷念俯劇
感慚

十月旦

竊以良月應時真賢受祉屬緣老病阻造公門頌詠徒深敷宣
罔既

竊以開藩挾月肇新視朔之儀飛蓋凌晨遠紹顧廬之誼莫皇
造清徒劇感慚

十一月旦

十二月旦

竊以商正奮若秦臘嘉平黃冠正賴於蜡賓阜蓋特勤於熊軾
其為感愧罔罄敷云

十二月望

竊以嘉平既望春意將回阻講慶儀弟深善頌

冬年臘雪立春訪及狀

年節太守訪及

竊以月正元日春王三朝瑞先舜牧之班珍奉漢京之貢阻陪
掾史祗造廂榮但深欣頌之懷莫究願言之素

同前

竊以象測璿璣斗柄肇回於蒼陸氣調玉燭春風初入於東郊
慶良牧之履端對昌辰而受祉阻干賓謁徒致頌言

路鈴倅寄居訪及

竊以歲時肇始品物咸新宜集殊禧式符交泰屬緣掃軌莫獲
造門頌詠良深敷陳罔既

太守冬至訪及

竊以衛兵森戟盛陳亞歲之儀野服黃冠莫點初筵之客方展公函之慶已勤都騎之臨感愧交并名言難盡

同前

竊以衛兵盡戟有嚴亞歲之儀野服黃冠莫點初筵之客遙致錫還之祝冗符來復之占謠頌所同敷陳奚究

同前

竊以黃雲在望何勞魯觀之登白日初長已著晉卿之愛諒丕膺於祉福即歸踐於禁嚴屬此杜門阻於扣閣徒深頌詠莫究

願言

同前

竊以潛陽復筦踐小至之昌期陰德及氓膺大來之多祉况績閱素高於朝著而考功屢奏於民庸願承天地之心即上星辰之履阻陪賓席但激懽悰

守倅賀冬

比逢國故茲值陽新阻脩亞歲之儀但祝自天之祐頌言斯至

宣述奚周

倅冬至訪及

竊以潜陽復筦愛景延圭豈弟久孚祺祥允集屬養痾於私室
阻挾刺於公門頌詠攸深敷陳罔既

同前

竊以潜陽復筦欣逢小至之辰荒徑荷鋤阻致大來之慶其為
欣頌罔既敷陳

同前

竊以愛日踐長吉人介祉禮勤左顧感極中藏

同前

維時亞歲儲祉吉人週沐顧存良深感頌

趙叅議

竊以潜陽復筦欣逢小至之辰衰疾負茲阻致大來之慶先勤
華翰備認摛謙願承天地之心永受子孫之養其為欣頌罔既
敷陳

回太守賀臘雪

竊以春元將屆頒銀信於嚴宸臘雪先飛番金穰之大惠未展
黃堂之慶乃勤阜蓋之臨愧感交懷敷宣罔既

同前

茲以臘雪應期豐年兆瑞臨存甚寵欣感交懷

同前

茲以嘉平紀月微密應期阻筵梁園首臨袁戶其為欣感未易敷云

謝太守三春日訪及

竊以下寬大之書初行春令底循良之績即慶璽書過辱顧存第深頌感

同前

竊以芳春甫屆瑞雪先飄諒和氣之素充致嘉祥之併集特動迂顧信切欣榮

謝太守移厨狀

謝楊守方移厨

竊以白屋始開許携於嘉醞黃童爭看共掃於漢磯永言眷待之殊信切感慚之至

同前

茲者特飾行厨首陪式燕設一宿之醴良愧穆生合五侯之鯖更慙樓護不皇往拜徒切歸仁

同前

竊以秩衛武之初筵儀方抑抑設穆生之甘酒禮過區區枉竹

裏之行厨轉茅簷之冬日其為愧感罔究名言

謝上元移厨

特枉行厨許陪坐席煥華燈於俎豆加餘惠於輿臺念往拜之不皇第懷慙而無已

丁守移厨

茲承駟召昂來未陪偉餞隼旗狎至先啓華筵愧感交懷敷宣奚既

趙守移厨

特勤車騎光賁草茅醴設穆生甚厚元王之意饌携嚴尹缺然杜老之歡感愧交深敷宣曷既

十月移厨

竊以冬日破寒已賴晉卿之可愛行厨治具更勤蜀尹之交歡所愧西都之賓莫酬東道之主寸心易感尺牘難周

謝趙守相過賞花

花開紅紫已賴春風轂駐朱丹特勤都騎無杜老交歡之萬一辱准陰肯過之再三感愧兼懷敷陳曷喻

答趙守投謝狀

野藪山肴期摻思人之袂繡衣金節坐勤銜袖之書愧感交懷

名言莫盡

趙守移厨

茲承已拜使華未伸餞禮先動治具益厚交情感愧于中敷陳
奚既

鄭倅權郡移厨

竊以居類少陵鋤江頭之草逕禮加嚴尹簇竹裏之行厨有華
白板之扉無愧黃樓之會永言謙施倍激感悰

權守移厨

託粉榆之社未展必恭近萸菊之辰先勤致敬有華車從預戒
食期雖盛禮之難當顧清談之願聽惟慙飯顆莫稱侯鯖坐深
愧感之懷仰異融明之照

權守開樂移厨

久辱鄭莊之眷置驛馬以請賓今歌衛武之詩設鼓鍾而飲酒
愧匪有名之士輒當初秩之筵禮遇滋隆感慙交集

謝移厨後訪及

竊以枉駕肆筵已慙盛禮飛綏三顧尤佩勞謙阻修下客之恭
但積中心之感

同前

疊枉旌旆寵臨蓬華既屬饗於盛德仍敬佩於勞謙往拜不皇
懷慙滋甚

同前

竊以獻南岳之潮正慙鼻祖置長安之驛幸際耳孫既莫稱於
百邁復屢勤於千騎茲為悚感豈易敷云

謝訪別狀

楊守方任滿訪別

竊以黃霸再臨人後八年之久仲尼既用政成期月之間何統
鼓之興歌已驪駒之趣駕自愧垂車之老阻陪卧轍之忙悵恨

于中諭言曷究

王倅淹任滿訪別

茲承監州底績解印還朝屬此屏居阻於祗餞過勤別刺信極
感悰

張憲垓行郡訪別

特枉使車寵貽別刺屬養痾於蓬戶阻祗餞於津亭愧悚交懷
敷宣罔既

彭守漢老赴常德訪別

茲承之藩卜吉擁騎告行方事藥囊莫信阻悵其為感愧罔既

敷陳

斛俸僖赴調訪別

茲承入朝天闕訪別草廬久抱微病阻陪僖餞其為悚感罔既

敷陳

趙憲善錄赴利路訪別

茲承邛邛叱馭欲繼昔賢驪駒在門莫留去轍載披別刺祇動

離情

梁守京奉祠訪別

聯事熊湘嘗託子孫之契持麾螺浦幸依父母之邦承歸奉於

真祠阻追參於偉餞其為悵戀罔罄敷宣

平園續彙卷第十八

周益文忠集五十八

記一

賞心樓記

二水中分白鷺洲李翰林金陵詩也今白鷺賞心二亭連延城上元豐中蘇翰林賦長短句送王勝之仍題柱云江山之勝傾想平生名遂傳於天下廬陵亦有白鷺洲青原臺直其首郡治也堆勝樓當其腹驛舍也登臨勝槩雖亞金陵然非閑人所能至盍求之於造物之無盡藏乎乃市民居創小樓介于二者之間借其名曰賞心且少陵江樓語也衡不盈三丈縱又去其二

惟費省故成速蓋洲之領領也目力所及視青原堆勝十得八九而無厲禁可以日涉詩不云乎于昏樂兮願與鄉人共之安知求者無二翰林之才為余賦之也慶元元年二月日

蜀錦堂記

予以紹熙甲寅十一月遷新第蓋本郡貢院舊基也東偏買園數畝地勢坦夷名之曰平種海棠數百株蟠根老榦強徒以來中為堂三間南向重簷承霽東西兩榮弗陋弗奢明年花開如錦綉予與十餘客縱目其上皆問何以名堂予曰未也客試名之或曰公昔以布衣舉送此地今官一品而居之非錦衣畫行乎予謝曰此安陽韓忠獻故事君母戲我客又曰公嘗以天子命西帥卿部縱避忠獻豈不如朱買臣則又謝曰予惟不才不敢以引綬為榮四年之中再命而婁辭賴聖恩從欲許以銷印亦非買臣比也衆客於是合辭曰公昨蜀土於今三朝蒼滿錦城分派茲圃儻不欲自比前人盍以蜀錦為名上因寓公下指花耳公意何如予謝曰客既合辭予則無辭乃不求辭慶元乙卯三月望

安福縣重脩鳳林橋記

造舟為梁文王初為西伯創物之智也人到予今賴之漢儒著

爾雅乃曰 天子進舟諸侯維舟大夫方舟士特舟庶人乘泚
是說也謂辨尊卑可也河橋何與焉郭璞既誤以為周公之言
孫炎又從而為之辭其失詩雅之旨遠矣古者郡邑大率瀕江
浮航於水加板其上聯屬綿亘以達于岸人之往來其道如砥
視招舟子爭濟於風濤之中險易勞逸蓋相萬也安福在縣
江西湖南之要津水出瀘溪匪于鳳林其廣三百尺是橋不知
起何時姑以近事考之元豐縣令上官公頴崇寧縣令上官舍
增修於二十年之間邑士歐陽安稷名橋曰上官者從其姓也
紹興庚申令韓邦光復修之鄉先生王公庭珪名之曰鳳林者
因其地也淳熙丁酉令徐輝又修之邑人劉浚易名濟川則諱
之矣夫一橋在北門纔百餘年四修而四壞何也吏惰財殫葺
不以時或葺矣弗良于工故易壞也慶元改元令施廣厚適逢
其壞而尉陳章復能奮身任責相與掄材選工舉大舫二十而
新之冶鐵為綆紉竹為笮圖惟悠之計士民咸出力相其役起
於季春成於仲秋會大守楊侯方新至首助錢十萬仍歲留征
商送州之餘為後日營繕之備章吾故人子也請記其事於今
累月行授代去矣安得不為一言夫利涉之功微公家不能成
雖成必壞者物理之常也郡邑無終窮守令有更易坐視弗恤

其壞也速未壞亟葺其費也省今令尉幸舉職二千石又設儲
侍其慮周矣徒法不能以自行顧嗣音者何如耳因為辨漢儒
之失揭鳳林之舊使後之人知公家之利非一族所得私若濟
巨則非一令所當擬必也即渡名橋隨壞隨葺乃百世不易之
道也二年三月十五日

廣德軍重脩譙門記

天子五門諸侯三之禮也綿之詩曰迺立皋門皋門有伉乃立
應門應門將將是時古公居岐為商諸侯故鄭氏箋云諸侯之
宮外曰皋門朝曰應門內有路門 天子加以庫雉其義昭然

先儒釋爾雅亦引周禮注天子諸侯同此三名惟毛氏因戴記
明堂位言魯以庫門為天子之皋門雉門為天子之應門遂謂
天子郭門為皋正門為應而侯門當名庫雉與鄭子看孔穎達
無所折衷既言正以皋應自是諸侯正法又云名之曰庫雉制
之如皋應制二兼四特褒周公以傳毛氏予謂詩經聖人所刪
記出漢儒之手古公非王也於箋有取焉或曰魯史書雉門禮
也曰禮天子諸侯臺門天子外闕而觀諸侯內闕一觀春秋之
際諸侯僭王大夫僭諸侯而觀猶僭庫雉可知經因災以示貶
耳書亦言應門何也曰在周為王門在岐為侯門鄭氏固謂天

子諸侯之所同復何疑焉

本朝帥藩督府參用周制其門三重餘二而已儀門之外譙樓
巍然以高為貴殆皋門之遺制歟按唐節度使入境州縣築節
樓迎以鼓角今遂以是名門其數則節鎮十有二列郡用十著
于甲令視漏刻以警蓋一邦之耳目也廣德為軍名隸江東實
隣浙西素號樂土熙寧戊申守臣朱壽昌大修譙門紫微南豐
曾公為之記六十年而燬紹興甲子魏侯安行始再營之距慶
元丁巳復五十四年支傾補陋不可以久會承議郎曾侯稟被
命分符有絕人之才百廢具舉謂萬乘行在吳中即郡乃近輔
華麗雉堞當應古義適歲豐人和甞材僦工興役於暮春落成
以季夏輪奐之美與創始均其外兩亭東以宣詔西以春頌其內
兩樓左曰架閣右曰甲仗前後映帶粲然一新觀者歎服侯以
予與其世父原伯先君仲躬同朝相善也不遠二千里請記其
事惟南豐古文在前屢謝不敢而請益勤姑為考衆說之異同
而識其歲月如此明年戊子三月

萬安縣新學記

學所以明人倫人倫不可一日廢學校其可一日廢乎雖然此
王政也故凡君國教學為先而世治則制度在上虞夏商周皆

立大小學於都畿諸侯之國亦必天子命之教然後為學者是也世亂則學校不脩禮失則或求之野故仕王朝者多有不悅學之說以及其大邦列國如鄭而青衿不至反朝夕游於鄉之校者是也或疑論語一書如帝王曆數之授受邦國政事之得失大而道德性命之要小而寢食衣服之節罔不及之獨於學校畧無問答抑嘗深求其故乎司馬遷曰孔子以詩書禮樂教弟子蓋三千焉身通六藝者七十有二人如顏濁鄒之徒願受業者甚衆故當是時或問為邦或問為政以致祭祀朝覲征伐盟會治民折獄之類講習之已熟切磋之已至往也隨其才器各底于成舉而措諸事業斯無難者是則傳道育材不在乎辟雍泮水而在乎杏壇之上洙泗之間也久矣又何問焉宋興藝祖方四征不庭已數幸國學欽崇將聖親為之贊 列聖繼志首善始京師繇內及外至于慶曆學校遂徧天下蓋祀先聖先師於學古也後世郡國廟事而已復古之制且及于邑則起本朝若守興令敢不敬承吉之萬安自熙寧五年為令縣將百三十載而學凡三徙士不以為然慶元戊午夏四月知縣事宣教郎玉牒師師迫寔來政之後先首闢龍頭書院遂議新學相方視址捐直與民得地二十餘畝以明年三月壬子僞工盡十

月而殿宇學舍皆成經史之閣左右生之齋內之庫帑庖湍外
之門闥垣墻遂深爽塏幾亞郡學費緡錢以萬計皆士人所輸
而官以餘財助之且為經畫悠久贍給之計識悉無遺徃來者
但視其成而不知其所以成也諸生請記其事某惟夫子教人
非可一言而盡其論行藏亦豈一端而止然必學成乃許以仕
故說漆彫開之對而惡夫賊費宰之佞豈嘗使人以政學也哉
粵自王道衰而異端作霸者之後有揚墨揚墨之後有縱橫有
申韓有黃老有諸儒之專門至漢唐以來又設科目以取士士
方拘牽時文或不得一意於學今國家開設學校惟周孔之教
是明惟堯舜文王之道是適為士者雖藉舉業為入仕之階然
平居父詔其子兄詔其弟自灑掃應對而充乎孝悌忠信由聞
見卓約而極乎高明光大蘊諸中者既不為淫辭詖行所汨則
形諸外者亦何適而不可故施之試程非政雜之辭進為師儒
得模範之正臨民則為良吏立朝則為名臣舉不出乎素學於
以副治世化民成俗之德意此則賢令承流宣化孜孜徙學之
本心也可不勉歟若夫江山之勝棟宇之備與夫竹木工役之
多寡宣勞協力之名氏令也能文自詳紀于碑陰此不復云六
年庚申正月旦

墨池閣記

唐惲字林夫翰林侍讀學士彥猷諱詢之子錢塘人熙寧四年上書合時宰意用臺薦驟得御史裏行明年二月擢諫官八月復越班論時宰責筦庫廣州徙監吉州太和縣鹽酒稅自公退食學書於官廨池上復數年山谷黃公為令賦絕句云攀檻朱雲頭欲白不知流落向何州空餘前日學書地小閣紅蕖取意秋至元祐中蘇文忠公守杭林夫適赴武昌公得其父舊詩次韻送行有聞道黃門有父風之句謂父子皆善書也今朝奉即卓洵蒞事三載每葺縣庫增置博士弟子員通四十人教養課試一視侯類左序東偏接林夫廢廨故沼尚存乃闢其地創閣三間為諸生游息之所用漢張芝故事榜曰墨池著其學書之美請子為之記夫書雖一藝古人猶不苟如此推而上之進德脩業豈止收翰墨之功而已或謂林夫進銳退速亦可取乎予曰吾夫子有言不得中行而與之必也狂狷乎林夫少年時雖異乎中行要非碌碌之士故陳襄述古薦之於經筵而山谷追美於已去之後蘇公復以詩贈別至卓令又表而出之學者其知所擇哉山谷以元豐三年庚申得太和辛酉歲方上絕句題十一月己卯蓋壬戌年是月二日也又明年十二月移德平鎮

而去迨慶元庚申丙甲子矣三月庚辰周某書

贛州贛縣重修學記

皇朝立學徧郡縣上有附庸有支邑人之言曰支邑距城近者
百里遠則信從賦租征推間得移用學校之脩既已非艱而其
士又以城闕為遠故庠聲序音自振於一邦附庸則不然賦租
征推守皆統之士方萃於郡庠為令者因得藉口學校名存實
否人亦不責備也慶元三年冬奉議郎司馬邁來為贛宰深闢
其說謂郡庠教養率限以員令十室必有忠信而曰野無遺賢
誣其下也上室戒橫斂州家不苛取邑之財用有定名或于吏
漁或費于後而曰力不及於學誣其上也民之師帥當如是乎
於是節用度核隱欺首葺大成殿次飾講堂齋舍凡重修廊下
至庖湍之所器用所須無一不備舊廩歲輸米二百斛緡錢僅
以百計經營三載括六鄉閒田之所入益錢至三倍既有養士
之費則請于州選補生員寢食于學月書季攷一守成規春秋
奠獻如式文風郁然遂為外邑之表代更有日書來請記予聞
記有二說不贊聖人之道則勉諸生以學昔者在皇祐賢令大
理寺丞王希肇正廟學泰山孫復碑記其實謂夫道被萬世非
倣稱述逮嘉祐中著作佐郎錢顛尤號賢令學政益修每以上

之教化士之講習告諸人臨川胡豕大書碑陰即而讀之思過半矣予尚何言姑舉司馬君實之說附先賢之後使來者知溫國曾緒為政如此非俗吏所能為也尚嗣音俾勿壞六年十月旦

梅州重修學記

南海屬郡潮為大潮之屬邑程鄉為大五季偽劉升其地曰敬州國初避今祧廟諱以梅易敬熙寧癸丑嘗歸潮後十年復初紹興丁巳如熙寧纔三年又復甲子適周矣雖曰避在嶺表而自唐元和末韓文公守潮首置鄉校謂刺史縣令不躬為之師命趙德督生徒程鄉秀民固在其中至元符初垂三百年劉忠定公又謫於梅每謂語不妄然後可入于誠諄誨學者蓋天以兩賢加惠茲土舊矣故其士醇其民樸葺學校以教之尤不可已異時二千石自四遐相易而至土風未遽知政事未易修凡所設施多在累月之後幸無移徙牽制安意營職亦不過期歲已迫合符正使心乎教養而為之也難今劉侯則不然侯潮人也梅治程鄉猶本郡也初仕郎尉此習知其風俗周知其財用况大父伯父再世登科故崇儒之心切而為政之力易下車以慶元五年之仲冬越明年閏春之朔即增飾學宮新十哲像徧

平陽縣志卷之六 禮俗志 第廿一
績從祀凡齋舍職事位下至庖湍之屬悉加于舊廣學田增生
員別創小學四齋絃誦之聲日聞前守陳自修始以忠定公配
享文公至是各為之詞以贍以儀厥仲夏告朔合僚佐衿佩二
百人慶其成於是教授林陶掾曹姚得朋程鄉令李昌齡歌詩
三章七十句以美之一章頌侯來之榮也二章樂庠序之新也
三章欲人才之興也其歌曰孰不為邦孰守其鄉如被錦衣晝
行輝煌侯曰 上恩曷敢弭忘何以報之俾民向方言葺泮宮
于鄉有光載歌曰 宣聖南面珠旒衮章十哲侑坐群賢績廊
六齋分列小學峙傍談經議道春祠秋嘗我侯戾止率由典常
又歌曰閭閻諸生振鷺翔詩書禮樂游息脩藏勉爾行業為時
俊良毋毀于隨母嬉以荒三歲大比用賓于王歌既闕僉曰允
扒侔來視予嘉其有美而有勸也併紀歲月遺之它日與計偕
者依鹿鳴歌是詩轉而上聞非此邦之盛事歟侯名渙字伯順
今官朝散即十月日具位

梅州貢院記

易曰隨時之義大矣哉時未可為不為可也時既可為不為可
乎降漢迄唐因郡國大小定貢士多寡 大朝接五代之亂鄉
舉寂寞士試州治未有圍棘糊名之制由廣而東去國滋遠厥

初合一路纔貢一士涵養三百餘年人才始衆梅之置州適後
他邦在法士不滿百併試傍郡貢院之不設時也連舉大比至
數百人預薦者五或即郡庠或寓驛亭始苟簡成之終勞費聳
之今太守朝散卽劉渙節用儲財肇新試闈亦時也相攸度基
廣十有二丈深三十有七丈市竹木於龍川擇梓匠於汀贛為
廳堂各五間其崇二丈五尺廊屋十四間內外門各五間其崇
二丈五尺封彌膳錄東西厨屋總十間隔街有溪限以編戶厚
償其直徹而達之洞視山川之秀溪中有百花洲創佳致亭於
其上興工以慶元六年六月壬辰訖事以十一月丁巳匠以工
計者五千有奇雜役則募民間用磚十萬蓋瓦倍之錢以緡計
者數千米以斛計者累百越十二月朔行鄉飲酒禮發馬程鄉
令李昌齡予里人也以書道本末且曰州惟一邑向也百役所
仰今侯甫修學校又為是舉成規定于心餘羨出于周科調毫
釐弗及其屬願紀實以彰其美恭聞

太宗皇帝端拱元年放進士二十八人有古成之者預焉雖家
廣之增城後徙于梅其四世孫革遂登紹聖進士第元符三年
藍奎繼擢丙科政和二年則有劉中紹興十五年復有羅振四
隣望之指為士鄉又况戊申策士維揚而潮人禮部尚書王大

寶臚傳第二於梅本同州丁丑奏號南省而惠人祕書郎張宋
卿名冠淡墨於梅為同路西賢學問既過人而立朝持論並為
當世所稱詩不云乎高山仰止景行行止諸生他日取魏科繼
前修尚毋忘二千石作成之德明年正月旦具位周集記

平園續彙卷第十八

平園續彙卷第十九

周益文忠公集五十九

記二

大和縣仰山二王行祠記

聖人成民切矣既撫之以仁又惠之有政尚慮天降之災人為
或弗能給則致力于上下神祇周禮大祝掌六祈是也至小祝
復載其目曰祈福祥順豐年逆時雨寧風旱彌災兵遠罪疾凡
民之所願欲尚有出於此者乎自釋教盛于中國故又即佛廬
而致禱焉蓋神能變化無方佛能攝受其情其為道雖不同料
誠可格則神者乃聰明正直廣大慈悲兼而有之惟袁州字惠

廟二王為然王兄弟皆龍也自晉永嘉宅仰山之獺潭至唐會
昌三年蓋百餘載有僧號小釋迦名惠寂者來自郴州卜庵此
山二王欽其道行施山為寺而徙廟堵田今寺以太平興國為
名其上廟基存焉治平元年郡人李觀嘗為記刻石神之歸心
釋氏固已昭然而巫祝恃牲宰以為利流膏割鮮神或厭之迨
元祐六年性山佛印禪師了元卜于神曰血祭乎蔬食乎神曰
蔬食哉厥後謁廟者遂以伊蒲塞為饌張丞相商英適漕本路
又為之記功利及物逐日以新自士庶達于郡邑或繪事于家
或塑像僧舍或祔享別廟祈求者不絕吉州大和縣進士劉千
齡謂非設行祠不足以揭虔妥靈乃即縣西北五里登科岡背
陰面陽創正殿三間鄉人爭附益之夾以廊廡各十二楹前為
閣三後為寢室七至於崇釋教祀祭徐璠與夫樂樓享亭下暨
厨庫罔不具備始事於慶元丁巳之正月落成於戊午之十月
嚴翼輪奐觀者起敬知縣事卓洵頻歲請禱曰雨曰暘其應如
響言千齡介予故人曾寅亮謁文記之惟 皇上帝分命山川之
神各主一方捍災禦患載於經傳不可誣已然諸侯所祭不過
境內今二王以神龍有截之威合大雄無邊之力自袁徧於江
西自江西放手嶺表咸被其賜而祭享之夫豈泛泛神祠加惠

一方者所可比哉按唐藍谷神名在祀典而依悟真精舍詩人
美之曰若歲有水旱詔使修蘋蘩以地清淨故獻奠無葷羶願
借是詩代享神迎送之詞至於封爵之崇事實之衆圖志具在
此不復云六年十一月五日

袁州宜春臺孚惠新祠記

袁恃孚惠二王為司命郡以宜春臺為勝境壯亭榭於林木之
表山川城郭俯視無遺輟燕遊以奉神啟則改為者太守徇邦
人之志也按仰山距城七十里而遠二王既敬釋氏遜山與寺
徙廟堵田距城三十里而近人猶患不得朝夕致敬也故凡水
旱疾疫迎神臺上以便祈禳已事乃歸其來久矣建炎中劇盜
金虜繼至守奉像設而駐師馬賊薄城若有禦之者最後望見
二神黃衣白馬往來雉堞間駭異而走紹興初始即臺立行祠
淳熙甲午易亭為殿又移慈濟院於臺西奉惠寂禪師即神所
敬者初寂婦老韶州持謝世神往訣別問豈無見屬乎寂曰吾
師靈祐禪師以正月八日逝于為山宜就是日普設僧供神敬
諾自後及期則盱蠶幽贊緇素咸聚以為常既遷城中齋會滋
盛遠人四集凌虛創閣以待有衆慶元己未九月丁未融風為
災一夕俱燼士民謹曰此飛簷架空之咎也爭輦土石信展臺

基首營正殿五間後列瀉仰二禪師暨王之父子又為堂以識
參請設亭以備拜享別造齋閣于新址總用錢八百餘萬郡守
李訖捐金穀倡之闔境爭趨和之武經郎趙伯濟鄉貢進士袁
簡及孟公震掌其事兵馬監押趙善灑董其役揆日於是年十
月明年四月訖工因故公潘侃來求記予聞靜者為性動者為
情性無有不善情則隨物應焉大而天地明而為人寐戒者佛
變化者神雖曰殊塗然而仁民愛物之性善善惡惡之情未嘗
不均今二王既弭災捍患加惠斯民民亦秉彝好德思媚神靈
故是役也富者輸財壯者效勤自求多福用潰于成得非道一
而已如吾儒所云者乎咨尔袁人治情以理養性以仁以稱天
地神佛之心以還比屋可封之淳豈惟袁人四方其訓之五月
旦

廬陵縣重修縣學記

聽訟理財振祗於縣令綱領於郡守人舉知之至於化民成俗
守猶不敢專任况令乎此後世之通患而非古也三代盛時黨
有庠遂有序州有長縣有正德行道藝以時書之當春秋世其
制已廢吾夫子憂之平居每語其高弟曰君子學道則愛人小
人學道則易使也其後言偃宰武城果有弦歌而治夫君子學

道故也小人亦與焉非縣令化民成俗之要歟更秦涉漢古制
滋亡董仲舒能獨知之其言曰王者治天下以教化為大務立
大學教於國設庠序化於邑又曰縣令民之師帥所謂教訓之
官以德善化民者夫論庠序教訓而及於邑自夫子而後仲舒
一人而矣惜乎時君莫之能行迨本朝 仁宗慶曆中始詔諸
縣皆立學 高宗中興申命於紹興十四年之春三代盛舉一
旦遂復廬陵分治郡城多士所聚而縣庠介于官寺通衢之間
無地可展知縣事羅烈雖竭力應詔然規模未備春秋僅嘗釋
奠後率附於州將六十年今令宣教即豫章黃疇若懾勇懷強
容困抑姦待人以忠行己以潔得子路治蒲之政百里既安歲
事仍豐首創祭器躬率諸生行上丁禮次嚴像設葺殿廡新祭
戟甃階渠高其閘閘增舊三尺起嘉泰改元正月壬戌告成於
四月己丑凡用工三千靡金錢三十萬學租舊六百斛養士不
盈四十益以禪居院詭戶田一頃為租六十戶然後歲計不乏
而又精於問學勤於教導禮文師範而得其宜於是職事訥凌
等求文為之記按唐循吏常景駿傳神龍中嘗令肥鄉後為趙
州長史道出舊治民爭奏酒食迎犒有小兒亦在中景駿曰兒
曹未生而吾去邑何故來對曰耆老言學廬館舍皆公所治意

公古人幸親見之屬聞公府交薦黃君即仕於朝它日持節典
藩道或由此父老子弟必將迎勞如景駿僕雖老矣儻見之手
是月甲午

分寧縣學山谷祠堂記

嘉泰元年秋奉議郎臨江徐筠孟堅宰分寧暮年矣專以儒術
飾吏事每詣校官必^進諸生以學顧視山谷先生祠宇在講堂之
左陋隘朽弊亟廣而新之傳像家廟惟肖釋奠服食則擇族老
能文者曰營主祀事屬予識其成參考圖牒自唐正元十五年
分武寧八鄉以名茲邑西有幕阜山其高千丈廣袤百二十里
脩水北來東南經縣治凡六百餘里不入彭蠡此山川之最勝
者也黃氏本金華人先生六世祖贍宰為邑宰厥後奉親卜居
沒則就葬歷三世家脩水上宦學有聲而先生出焉此世家之
可考者也夫惟山川炳靈世美交濟故其孝友之行追配古人
環偉之文妙絕當世又得眉山蘇文忠公而師之陳張晁秦而
友之是宜光顯于朝共振斯道乃或不然初坐眉山唱酬棲遲
縣鎮後被史禍竄謫西川晚以非辜長流嶺南遂隕其命中間
翱翔館殿纔六年耳右史之拜復為韓川沮止其生不遇如此
蓋人衆勝天也 高宗中興恨不同時追贈直龍圖閣擢從弟

叔教為八坐寘甥徐俯於西府皆以先生之故 宸奎天縱至
下取其筆法戒石刻銘徧於守令之庭李杜已遠遂主詩社身
後光榮乃至於此非天定勝人耶昔孔子在魯七人指為東家
丘歷聘諸侯伐木削迹無所不有孰知後世郡邑通祀南面巍
然一履之微猶藏武庫聖人尚爾先生其奚憾予既書其大畧
又系以辭使遇祀事而歌焉其詞曰嗟先生之致身何艱難而
而險阻倚先生之沒世乃發揚而普詡巋高山與景行極幽遐
而爭覩微岌七乎當時詎煌七以終古久配祭其鄉社俶奉嘗
於新宇釀修水以為醪釣鱖魚而實俎擷白茅於雙井粲浮甌
之花乳尚耒燕以來寧永範模乎故土九月十日

玉和堂記

春為陽首夏為未明秋為白藏冬為玄英四氣和謂之玉燭此
格言也今夫佳花美木在天壤間氣和而後生人皆知春時為
然不知和氣所鍾無時無花也老叟既闢敞廬東為平園園西
北隅隙地坦然乃距北垣五十弓餘二肘為堂三間南直唐虞
二典閣背為流盃亭其深四丈二尺博三丈七尺崇二丈有奇
敞扉而涼塞向而燠之可以納四時之和氣散植紅梅辛夷桃
李梨杏海棠荼蘼紫荊丁香冠以牡丹芍藥此春景也前後兩

沼碧蓮叢生東則紅芰彌望槿花萱草雜寘其間此夏景也巖
桂拒霜橘袖蘭菊盛於秋江梅瑞香山茶水仙盛於冬時花畧
備矣至如佛桑躑躅山丹素馨末利之屬或盆或楹榮則列之
悴則徹之而種植未歇也始造於慶元庚申十月戊辰八月丁
未與客落其成共惟 聖主在上衆賢和于朝萬物和於野遂
使皤然一叟得佚老於和氣之內故榜其堂曰玉和志幸會云
時嘉泰元年也

敬齋記

紹興庚申秋予與永新周正寬平一同預貢籍知其素慕王文
正公之賢植三槐于庭築堂臨之厥後終於迪功即監衡嶽廟
蓄德積善敷遺嗣人其子尤字才卿即堂之陰架屋十楹廣二
十尺榜曰敬齋致小雅必恭敬止之誼自為說數百言大略謂
人之事天地事鬼神事父兄罔不莊敬及處閑燕或尊臨卑貴
待賤未免安肆尤實懼焉願參前以自警夫惟存心如此義方
之訓可知嘉泰辛酉仲子圭復以妙齡舉于鄉父子過予叙宗
盟陳世契且求一言予告之曰六經辭雖多而指甚要故中庸
禮儀三百威儀三千而漢儒所記以曲禮為首篇以毋不敬為
首句此所謂禮之本也本立則禮無不行亦猶詩三百而夫子

三國志卷之九
大和縣志卷之九
八
敵以思無邦之三語也尚何隱顯高下之別哉請歸而刻之石
臘月庚寅

大和縣龍洲書院記

西昌下臨贛江陳霸先於擾援梁室駐軍有龍躍之瑞事見南
史本朝開基之明年南唐知制誥徐鉉作白鶴觀記謂江水
北湊而東匯龍洲南峙而重複以是名洲蓋亦久矣又有天柱
一峰屹然其外勝槩殆冠茲邑初即縣治之東築光華館以待
過客已而遷驛快閣遂為權醜之地今宰宣教即趙汝暮決科
為政綽有父風至而歎曰天地之氣聚為山川山川之秀人實
鍾之况父老相傳洲過邑廷魁出豈以翹蘖之故易弦歌之樂
耶乃起嘉泰元年七月徹而新之疊石為基創屋二十楹列左
右生齋曰裒然曰卓爾自堂及門端正顯敞下逮庖湍各得其
所閱兩月工以訖告遂倣潭之嶽麓衡之石鼓南康軍之白鹿
榜曰龍洲書院擇春秋補試前列者十人居之而主以庠長於
是縣學長諭貢士陳暕周有德學賓陸本謁予以記或曰縣有
學矣此非贅乎予曰三代盛時自王畿達于六鄉六遂為學者
二為序十二為庠三百諸侯三鄉三遂庠序當半之家塾猶未
論也太和子男邦也略考圖籍浮屠之居有區老子之宮亦十

五區而額存屋廢者不預焉昔歐陽文忠公著本論謂三代之民不從事田畝則從事禮樂不在其家則在庠序是以王者之政明聖人之教行雖有佛老無自而入今也昔之庠序皆轉而為寺觀何不疑於彼而反疑於此也幸賢令為之主盟使諸生得歲脩游息于斯未仕則由六經而探賾聖人之教既仕則推所蘊以發明王者之政復古之功權輿于茲豈但科舉得江山之助而已二年六月既望

吉州通判廳記

郡丞秦官推掌兵馬自漢迄唐其名不常曰別駕曰司馬曰治中曰長史雖均號上佐其實從事之長耳故緹油屏軼下與主簿同賜而州牧或得辟置間以處王子及近臣之左降若起廢者其於政事罕嘗與聞邦國不空之謠宜其寥寥也藝祖皇帝創業之四季繼五代擾攘藩鎮跋扈兵強民弱治少亂多之後首置諸州通判不動聲色於朝廷之上而興利除害功徧天下是冬又詔凡公事非守倅僉議連書勿行規摹宏遠豈歷代明臣賢臣思慮所能及嗚呼盛哉吉大州也其為貳則在唐顏魯公以謫至本朝向文簡公以德選其他名賢炳炳相望嘉泰二年五月朝請大夫開封鄭臨寔來適二千石缺併綰郡綬其

家世之盛仕學之優施于有政見謂明敏初升聽事則支傾柱
朽懼將壓焉竹木瓦甍幸儲庭下君問緩故則曰卜未利也君
曰覆壓之不虞陰陽之是拘其可乎是月庚申亟僞工歲事七
月乙巳落成拓題名記示某曰公大父秦國公以宣和七年春
居是官嘗行州事踰四考乃得代士民懷德因請家焉舊聽載
新是宜為記某追思始能書侍親於祖父母之側今七十有五
年兼燕楚之城社致桑梓之恭敬安敢以老諄荒唐為解抑嘗
讀衛詩美文公營宮室曰得其時制百姓說之今若思一日之
葺破拘牽之議得其時也用成材仍舊貫加顯敞焉其東故有
風月軒又闢西偏以相映帶得其制也自是入儀天朝遺後人
以安俾之交脩郡政惠此千里仰稱 藝祖設官之美意其本
立矣因土木之工而紀歲月某請事其末云是年十月五日

汀州長汀縣社壇記

載芟春祈社稷良耜秋報也由都城達于郡邑古今一揆故壇
壇有制牲幣有數魚鱸蕘備物酌獻以時守令躬行具存成憲粵
自釋老教行神祠亦增雕墻峻宇殆徧城郭一遇水旱官吏并
走祈禳之不暇於是五土五稷之壇壇寘遐僻寂寞之地頽垣
敗壁楠博所聚荒榛蔓草牛羊踐焉二仲時至昉加葺葺例委

付事於掾佐牲瘠酒酸簋簋弗虔姑應有司之文過是蕪廢如
初承議即天台謝周鄉耒治長汀首致志焉自邑徂壇崎嶇沮
如徃來病之乃為相攸以直易迂甃為通衢二里而近繚以長
垣總四十有三丈東為社壇崇三尺五寸廣丈有八尺附風師
壇于其傍西為稷壇制與社等雷雨二壇對峙其側前闢門屋
三間後創齋廬亦如之庀工以嘉泰二年閏臘之望閱月告成
不遠千里以記請為子聞子路使子羔為費宰曰有民人焉有
社稷焉是固然矣繼以何必讀書然後為學夫子亟然其言今
君自大父以儒登科臨民有聲肆其先公克紹世美致位二府
君復傳父祖之學為長于斯推仁心將敏政治人事神蓋兩得
之故書以告後之人毋俾或壞三年三月辛巳

終慕堂記

元祐名相忠肅劉公之曾孫諱荀字子卿博學篤志切問切思
平居隆師親友著書累數萬言從宦則考古證今見諸行事故
小試理財流地上出守邊城南北形勝盡在目中而於三朝事
君講之尤詳向使得位與時庶續先烈仕止二千石士大夫共
惜之其子新長林簿無愧既葬君清江之新城復取大孝終身
慕父母之語揭名冢舍之堂屢求一言或疑孟子章指為舜事

親設非追遠也予謂不然祭義因文王事死如事生反復論孝子之祭而其末曰三愛自親始又曰孝以事親順以聽命是則人子慕親何間存沒故經云生事愛敬死事哀感生民之本盡矣死生之義備矣孝子之事親終矣嘉泰三年三月

平園續彙卷第十九

平園續彙卷第二十

周益文忠公集六十

記二

吉州錄參廳題名記

諸州錄事參軍於今為從八品掌郡獄及軍資市令之政實曹掾之首富沙陳希黯以名父子繼登儒科未官廬陵謂職有崇庠題名不可無記乃起高宗中興距今七十有八年得姓名二十七人求予一言將刻之石夫才有能否其時之事聲實顯晦教後乃見之希黯用志亦遠矣予聞曹參在齊治道清淨比其去猶以毋擾獄市屬後人督郵有司也清靜何居予請著其

說假令罪在甲乙枝蔓丙丁擾也科抑賈區強之貳價亦擾也
惟母縱故犯母妄取舍使吏杜姦貪人安其業始可與言齊相
之意矣嘉泰三年四月望

敬思亭記

嘉泰三年三月乙酉登仕郎太和蕭知節母夫人詹氏以疾終
享年六十六卜十月丙午葬本縣高行鄉龍角之原知節泣而
請曰先人諱遵不幸早世吾母素知書既嫠力教知節以學劬
躬立門戶輕財重義撫育宗族凡知節得出入公卿之門皆母
教也今罔極之恩不可報矣築亭冢舍取祭義生則敬養死則
敬享思終身弗辱之訓榜曰敬思願賜語以寵綏之子聞夫子
論要道至德一本於敬是以孝子之祭其三其進其薦其徹悉
以敬為主反是則為固為疏為不受為教為忘本可謂詳矣乃
子張乃一言以蔽之曰祭思敬蓋平居得於夫子者如此子尚
何云九月辛巳

筠州樂善書院記

舜命夔典樂首教胄子周大司樂治學政專命國之子弟是時
公卿大夫多出宗姓崇德象賢率於此乎取之本朝至道元
年以近屬繁衍初置學官於是教授之名立迨咸平迄祥符南

宮北宅復置侍教十歲已上並令肄業治平初增小學教授十有二員此命名分職大略也舊制七歲入小學能誦孝誼論語升大學又能誦兩經善書札宗正以聞熙寧元祐並勅諸院三小學八歲至年十四者歲檢舉焉自時厥後其制益詳此進德修業次序也南渡以來杭越首置諸王宮大小學教授西外南外並立宗學人知為善之樂以蕩陵德者鮮矣今高安郡守王淹文正公旦六世諸孫也追惟文正被遇章聖徧歷要近與聞育才之本末思原德意不墜先烈乃與二車玉牒希宰議即郡庠之側創樂善書院外設重門東西兩廡各三齋中為講堂三間列直舍于後廡庖器用備焉庀工嘉泰三年之季夏訖工於孟冬先不尊屬司選宗子幼而未命者以二十人為額既望帥郡僚延處六齋齋各有名擇老成之士訓以經史教官總其課程別立一齋待不帥教者市田千畝用足歲計屬某記之嘗聞關雎惟基王者之化其應見於麟趾雖繫周公實美文王其在大雅曰肆成人有德小子有造古之人無斃譽髦斯士是又盛言文王遐不作人一視親疎可以傳無窮施罔極也其惟祖宗作成宗英越二百年聖皇在御推廣家法公族振振髦士峨峨我將同於文王筠州復能助宣聖化無愧民之師帥

是皆宜書故樂為之記明年正月既望

杜氏潛光堂記

大畜之彖曰剛健篤實輝光日新其德洛誥曰惟公德明光于上下蓋德有大小光亦隨之其類在身其發在人士固有幽潛如韓退之所云者故四明理掾杜君諱裒字伯稱是也世居越之上虞以篤行著君苦心嗜學銳意事功紹興末北征條要務謁府帥湯岐公後帥史魏公二公大奇之交薦于朝再命以官嘗尉崇安力變不舉子之俗治獄至無一夫之寃遇大利害害害禪其長龍行之陰德不可計妻張氏處為孝女嫁為孝婦相與力教諸子思恭既擢第餘守蹈義向方見推鄉評歛後合葬考妣於縣之葛仙鄉寶謨閣待制陸務觀各為之銘思恭復即瑩築堂務觀以潛光名之求記於予往者杜正獻公越人者歐陽子誌其墓曰春秋諸侯歷秦漢千有餘歲不絕世譜而唐盛時公卿家法杜氏獨存今務觀謂君本同譜謀中間失其世次為可惜也雖然左氏叙諫敬仲光遠而自它有耀又曰非在其身在其子孫惟君德克而實浮不耀其章幸哉有子疊也乎儒猷孜孜乎吏方是宜立身揚名顯前人之光何待退之而後發亦豈必遠耀於它邦乎茲為肯堂也大矣嘉泰四年二月望

筠州判官廳記

國家以民之休戚政之臧否寄二千石其設官有重有旅重者
倅也位逼未免於嫌意不盡者多矣掾曹旅也分職以治各司
其局而已若乃事無不預而非逼職未嘗分而情通惟幕職為
然筠州判官王牒彥璋南夫弟兄競爽同取科第以嘉泰壬戌
七月寔來持身正泣事明一郡嘉賴官解在麗譙內蓋尚書郎
趙不遜茂中營造於紹興之庚午踰五十年故當改為前政周
景南經始而不克至是太守王淹伯奮既給竹木又出羨錢四
十五萬米百斛俾南夫易而新之相其地形深財十餘丈博則
加倍乃列堂與廳並南向廳為三間其後分東西二齋榜曰壺
天者禮部侍郎倪思正甫吏隱時所題也堂為五間深明雅潔
不侈不陋介于二者有古鄉堂茂為業桂設也稍東面西有尚
綱堂南夫所制也九月庀工閱月而成予愛李觀元賓記常州
判官袁德師廳謂前軒翬飛竹欄鳳食蓋由郡守韋公遇袁以
善袁報常以誠遂濟登茲今筠守甚賢捐費不吝幕下又賢居
之也安善遇誠報賓主而得惠政加乎千里豈有既乎姑徇其
請為之記四年甲子二月望

台州仙居縣學記

孔堂高第猶分四科性與天道未嘗輕言世之學者乃欲德行
言語政事文學兼而有之其不可得而聞者每求於議論之間
往往名是實非言出而躬不逮此今昔通患也古靈先生陳公
諱襄字述古福州侯官人方時以雕篆為學獨與陳烈周希孟
鄭穆唱道海濱鄉人化之號四先生皇祐中令台州之仙居篤
意學校首為文勸人讀書次諭以禮儀之俗又擇明經之士朝
夕講說詢問大義間習程試高不躡等卑不流俗示之以方期
造於道而進取亦在其中士民懷之奉祠今百五十餘年嘉泰
辛酉夏通直郎四明林岳來治茲邑歆慕前哲凡庠序堂廡門

觀舉新之厥初祠宇庠下遷寘中間之右極其嚴絜刻公遺文
二十五卷得謝雨詩於斷碑增寘集中學有射圃淪棄榛莽亦
加葺葺別市民居創觀德亭總為錢千二百緡皆出節用籍藏
田八十畝輟務場餘財月萬錢以贍給生員請尉簿嘉禾錢撫
專主教導於是學職林宓呂咸陳穎不遠二千里以記為請夫
教人必以聖人為師古靈學夫子者也林君晞古靈者也學者
誠能各因其材攷：弗怠尊所聞而行所知豈特無負賢令亦
將無負先聖可不勉歟按國史古靈傳惟載其宰河陽典數郡
所至必務學校而令仙居則略之是尤不可以不書也四年甲

子四月望

廣昌縣學記

盱江析臨川而為軍廣昌又析南豐而為邑其地極江西界接于閩疆秀民為多初立學在縣獄之右紹興十七年令承敷徙寘縣南郡丞劉嶠為之記後五十餘年當嘉泰二年四月奉議郎曹進之來為宰謂先聖殿上漏旁穿而廡歌側且非其地邑士胡巖老請改築于縣治之東止戈亭舊基諸生相攸僉謀為允於是進士揭英之子儼子儀三人輸財效力主其事而黃作舟作礪首捐錢四十萬為之助士胥和之庀工癸亥之夏甲子

春新學成培卑為高以避水潦雙溪夾流匯為大江面對羣峰宛如圖畫高明堅壯他邑鮮儷進之予門生也求記勤甚予聞有學校之教有學校之文昔夫子折衷六藝自虞至周凡學校之教之文散於詩書禮樂中故論語不復問答惟告門弟子曰入則孝出則弟謹而信泛愛衆而親仁教在其中矣行有餘力則以學文文在其中矣本朝開設學校復帝王之盛雖碩儒名卿布於中外而士之月書季考惟在舉業故時文無慮三變始因唐舊專用詞賦或曰雕篆無益也於是經義行焉專門一律又以為病而大學中庸之說出時論愈高行之愈難為師儒

者既用此為去取士亦以此應之殆非 國家孜孜求賢之本意也 上方會其有極歸其有極士當是訓是行一變而至於道以副教育則所謂文將不勝其用矣於科舉乎何有進之衡州來陽人淳熙辛丑登科既視事金芝產廨中嘉禾生于野為政亦可知矣四年五月日

撫州學記

晉唐以來撫守多名臣至 本朝則儒宗鉅公相繼而至學校之盛固不待言歲久或敝也又圖新理也雖然郡守主盟為易教官任責也難慶元二年秋豫章胡君元衡來臨師席文風既

振復懷永圖乃大義葺治遠學糧贏錢百二十萬太守陳侯研

首捐千緡常平使者王君容及後守曾侯措各助十之三漕憲

繼之總錢又百三十萬米不在焉以六月甲寅興工明年八月

訖事凡大成殿御書閣講堂倉廩皆飾舊內外門墻廊廡及正

錄職事之位東西序之六齋文昌之軒庖福之所悉昂新之或

請記其成太守曰教官力也弗許教官曰此二千石功也當書

會入官上庠亦復不果今數年矣先日學正鄉貢進士嚴滋以

書遺某前不求文教官謙也歲月雖久公論故存敢敬以請昔

孟子論傳道之序由堯舜至湯文皆五百餘歲由文王至孔子

適及其期故曰文王既沒文不在茲乎蓋自任也惜乎無時無位不得見諸行事退修六藝以傳萬世今學者幸居學校讀六藝之書旦旦而來望數仞之墻盍興及肩之歎既升其堂盍想聞金石絲竹之音仰之彌高鑽之彌堅瞻之在前忽焉在後又當晞顏子苦孔之卓夫如是晝而思之夜復思之則於道也其庶矣乎墨池之祥姑存故事足矣嘉泰四年六月

廬陵縣學三忠堂記

文章天下之公器萬世不可得而私也節義天下之大閑萬世不可得而踰也吉為江西上郡自皇朝逮今二百餘年兼是

二者得三公焉曰歐陽公修以大經粹然之文崇雅黜浮儒術

復明遂以忠言直道輔佐二朝士大夫翕然尊之天子從而

謚曰文忠莫不以為然南渡搶攘右相杜充擁衆臣虜金陵守

陳邦光就降惟通判楊邦乂戟手罵賊視死如歸國勢凜凜士

大夫復翕然尊之天子從而褒贈之賜謚曰忠襄則又莫不

以為然時宰議禮衆論詢惟一編脩官胡銓毅然上書乞斬

相參虜使三綱五常賴以不墜士大夫復翕然尊之厥後天

子從而褒贈賜以忠簡之謚則又莫不以為然是之謂三忠雖

然此邦非無宰相如劉沆冲之在朝嘗力薦文忠番寘翰苑又

又引富文忠公弼共政合姓名著在勲臣之令而謚則未聞子
瑾孫佃俱為待制迄不能請矧被遇之從臣乎夫然後知節以
壹惠 天子猶不敢專亦必士大夫翕然尊之乃可得耳廬陵
宰趙汝履即縣庠立三忠祠歲時率諸生祀焉魏：堂：衮服
有章揭日月而行學者固仰其煒煌若夫百世之下聞清風而
興起得無慕休烈揚顯光者耶汝履用意遠矣嘉泰四年八月
日

碑

永豐縣旌忠廟碑

高宗皇帝中興之三年歲在己酉金虜分道入寇江浙大擾十
一月隆祐皇太后自洪上贛護衛將杜彥揚舉道叛屠撫之崇
仁縣遂犯吉之永豐知縣事左承議郎宗室訓之字誨道素懷
忠憤有為國捐軀之志至是率尉修職即陳自仁拒戰境上分
民兵為三一繞賊後一據地利誘以羸卒賊遇伏而敗他盜蟻
附鷓張尉死之侯力不支轉鬪入郭罵賊遇害年四十四賊視
防守營柵歎服而去邑免焚蕩士民獲全不可計人人德侯奉
其柩葬大和縣廬原鄉又附祠城隍水旱疾疫禱焉明年 詔
贈朝散郎加直祕閣官其後西人自仁亦贈通直郎官一子同

三傳國史久之二孫彥楠皆踐世科歷內外任使慶元五年彥楠以九江郡丞沿檄省謁祠墓始從父老歐陽昌等得侯死所即邑東藥師院隙地創廟三間設侯及夫人喻氏像尉與享焉廊廡門闥嚴絜相稱以九月興工六年二月邑官致祭落其成郡守趙善鏞助工費復上其事于漕七審衆下樂安丞吳魯卿新塗主簿季安繼來覈實共謂侯節義顯著禱祈輒驗實有功於民嘉泰元年太常擬賜廟額旌忠六月壬寅制曰可彥楠等請文刻麗牲之碑乃為作迎送詞歌以祀焉其詞曰

忠死為神仙兮前言孔彰我侯兵解兮上征 帝傍民懷

德惠兮姓名愈芳

天子有命兮典祀舊疆新宮翼兮像設

堂堂 帝意若曰民不汝忘汝豈忘往其廟食從巫陽春秋致

享禮有常牲牢絜肥奠椒觴坎坎伐鼓舞洋洋神其醉止欣樂

康時節謁 帝奏祺祥雨暘以時豐稻梁厲鬼驅除絕寇攘恩

江 湯湯兮與神之績弥遠而弥長三年二月辛丑在法神有切

者初賜廟額次加侯爵此碑稱侯張本也初侯之亡安撫使朱丞相勝非檄太和土官泗州文學蕭環集民兵來邑定亂壞因收恤侯家葬侯廬原以其子世崧娶侯長女後七年喻夫人卒遂合葬焉侯之孫間來展墓壞姪孫登仕即知節實為東道主廟成復為刻碑蓋其家素尚義云某題

五國... 皇朝文獻通考卷第...

五國... 皇朝文獻通考卷第...

五國... 皇朝文獻通考卷第...

五國... 皇朝文獻通考卷第...

五國... 皇朝文獻通考卷第...

五國... 皇朝文獻通考卷第...

五國... 皇朝文獻通考卷第...



